

Se referet procul , & populos formidine solvet .
Felix Rege novo cives concordia junget ;
Et Themis , & folio Pietas regnabit in alto .

Herói nova sceptrá tuo , meritamque coronam
Longe alias , soliumque dabo regale per oras .
Est mihi Gallorum qua finibus Axona præceps ,
Matronaque exoritur , qua major Mosa , minorque
Spumantes campis glomerat felicibus undas ,
Dives opum regio , & Cælo gratissima Tellus .
Ingenio præstans acri , & fortissima bello
Gens tenet , ac solidæ fervet pietatis amore .
His ego rectorem populis (æterna reposcunt
Hunc ollis Regem fata , & mea certa voluntas)
Imponam meritis pro talibus , exigat omnes
Olim ibi ut auspiciis senior felicibus annos
Imperitans , placidaque regat ditione volentes .

Felices annos ! Non se illis conferat ætas
Aurea temporibus . Quæ rerum copia , quantus
Fulgor opum , quæ Relligio , Pietasque , Fidesque
Distinguent gentem tanto sub Rege beatam !
Ast illum celsò jam demum in culmine tantas
Inter opes , inter tot plausus , illecebrasque
Securum amota dubii formidine belli ,
An tumido abripiens ventosa superbia fastu
Efferet , aut mollis corrumpet inertia vitæ ?
Qualis inops fuerat privata in sorte , potitus
Imperio , atque opibus pollens perstabit eodem
Usque animo , & sese facilis præbebit eundem ;
Atque graves olim regni siqua otia curæ ,
Et pietas , & relligio , quæ debita Divis ,
Si dederint ; doctas versando evolvere chartas ,
Exercere stylum , calamosque adhibere disertos ,
Ac docto trahere in cœlu sermonibus horas ,
Deliciæ Regnantis erunt . Pastoribus ipsis
(Nam rudis Arcadico pastorum turba sub antro ,
Perque nemus sacrum , perque ardua culmina Pindi

Ri.